

g.
P

~~2592~~





<36606756400013

<36606756400013

Bayer. Staatsbibliothek

July 5. 908





AURIFODINA
GALLICA

Reſerata & obſtructa.



PRÆSENTIUM momenta temporū ,
momenta rerum,
æquā iudicii mei
lance, Zygoſtata,
ut opinor, iuſtus, rectè ponde-
rans , Vos Imperii Romani
Ordines, in Rate Bonā Con-
gregatos , breuiuſculo hoc
ſcripto ut alloquerer , neces-
ſarium exiſtimavi. Videmus &
ſtupemus , vicinam Galliam
aſcitiā Maieſtate faſtuoſam,
adorari ambitioſam , generis
humani velut arbitrā, Europæ
imminētē, è mente propria,
execrabilem per philautiam,

4 *Aurifodina Gallica*

Orbis Dominam, erecto collo, superbo vertice, cothurnato gressu, viis modisque variis lascivire; suasque divitias & opes ædificiorum magnificentiâ, suppellectilium splendore, mundo muliebri, & exquisito vestium ac epularum luxu ostentare; in extruendis quoque munitionibus, structurâ portuum, classium apparatu, & corruptionibus Aularum auro suo infinito undique profusam. Et hoc illam Galliam, quæ ad unicum & solum Burgundiæ Ducum nomen aliquando trepidavit, sub quorum labaro & ejusdem Regibus militarem tesseram ad Leodium audire solenne fuit; quæ adhuc sub Francisco I. tribus legionibus, ad normam & disciplinam militiæ Romanæ veteris tum erectis, defe-

ctu

Et pecuniæ non ſuffecit. Ut ſileam de majorum noſtrorum ævo, quo in duodecim triremibus, & bellicis viginti navibus inſtruendis, ac ſuſtentandis, Monetæ Deæ gratiâ deſtituta, laboravit, cùm Regi proventus non ad milliones florenorum decem, imò & ad octo vix aſſurgerent, qui nunc ultrà Sexaginta excrevêre; quibus jam Gens illa inquires & ambitioſa, dominio terrarum omnium, marium, & Oceani ipſius imminet, nunquam ceſſatura. quàm diu ſuis illis mediis abundabit.

At quæ hujus tam repentini cauſa? profeſſor non è ſui fæcunditate ſoli, quâ multas Germaniæ, Hiſpaniæ, Italiæ, aliorumque circumjacentium Regnorum ditiones, vel ipſo orbe conſcio, non æquat. Nec

è prudentiâ Ministrorum, quâ
 aliorum Regum, solidioris u-
 tique doctrinæ, atque judicii
 maturioris, magnique in suos
 principes amoris, obsequio-
 que prompti, multum Galli-
 cos antecellunt. Neque è Pro-
 vinciarum unione, cum am-
 pliora Hispaniarum Regi, No-
 strôque Cæsari sint Dominia;
 & prisce etiam Romani, jam
 tum Germaniam potentio-
 rem ipsâ Galliâ judicarint. Quid
 enim Tacitus, cum, expugna-
 tis legionum Hybernis, de Im-
 perio Galliarum disceptare-
 tur, nostro de Civile? Cæterum,
 inquit, neque se, neque quemquam
 Batavum, in verba Galliarum ade-
 git: sius Germanorum opibus, &
 si certandum adversus Gallos de
 possessione rerum foret, inclytus fa-
 mâ, & potior. En Civilem Ger-
 manorum opibus disertè, ad-
 ver-

Lib. 4
 Histor.

Reſerata & Obſtructa. 7

verſus Gallias & Gallos po-
tiores, id eſt, potentiores.
Minus etiam è bellicosâ Na-
tionis indole, delitiis affue-
tæ, mollis, impatientiſſimæ
laboris, & ſecundùm ſcripto-
res antiquiſſimos, imbellis,
quæ, ut ait ſummus authorum

Julius, à Germanis affuefacta ſu-
perari, multisque victa præliis, ne

*Lib. 6.
de bell.
Gall.*

ſe quidem ipſa cum illis virtute com-
parabat. Et tota Gallia non de-
cennio Romanis reſtitit, equi-
tatum per Germanicum à Cæ-
ſare debellata, cùm & in Hi-
ſpaniâ annis propemodùm du-
centis, & cum Germaniâ plus
ultra fuerit dimicatum, quæ
nunquam tamen Imperio Ro-
mano ceſſit. Et de Hiſpania qui-
dem hæc L. Annæus Florus:

*Hiſpaniæ nunquam animus fuit ad-
verſus nos univerſæ coſurgere: nun-
quam vires ſuas conferre libuit, ne-*

*Lib. 2.
cap 17.*

8 *Aurifodina Gallica*

que aut Imperium experiri, aut libertatem tueri suam publicè: alioquin ita undique mari Pyrenæoque Vallata est, ut ingenio sitûs nec adiri quidem potuerit. Sed ante à Romanis obsessa est, quàm se ipsa cognosceret; & sola omnium Provinciarum vires suas, postquàm victa est, intellexit. In hac propè ducentos per annos dimicatum est. Hæc Florus, qui deinde ad Viriati victorias descendit. De Germaniâ verò Nostrâ Tacitum audiamus. Sexcentessimum & quadragesimum, ait, annum urbs nostra agebat, cùm primùm Cimbrarum audita sunt arma, Cæcilio Metello ac Papirio Carbone Coss. Ex quo si ad alterum Imperatoris Trajani Consulatum computemus ducenti fermè & decem anni colliguntur: tam diu Germania Vincitur. At quæ mox subjungit quàm non sunt pro Germanis nobis

De moribus German,

nobis glorioſa? Legant & erubescant Galli; qui & Gergovia, & Alexiæ, & Uxellodini, munitiſſimis locis clauſi, & ut apparebat, tuti, tamen ea, & in iis ſe defendere aduerſus Cæſarem nequivêre. Quid autem & de fortiſſimis in Hispaniâ Numantinis Florus? *Numantia* Lib. 2.
cap 18. *quantum Carthaginis, Capuæ, Corinthi opibus (ſunt ejuſdem verba) inferior; ita virtutis nomine & honore par omnibus, ſummumque ſi viros æſtimes, Hispaniæ decus: quippe quæ ſine muro, ſine turribus, modicè edito in tumulo apud flumen Duriam ſita, quatuor millibus Celtiberorum, quadraginta millium exercitum, per annos quatuordecim ſola ſuſtinuit; nec ſuſtinuit modò, ſed ſæviùs aliquantò perculit, pudendis que fœderibus affecit. Magis adhuc Hispanorum hanc fortitudinem commendant, quæ,*

io *Aurifodina Gallica*

interjectis pauculis , subjun-
git. *Hostilium Mancinum quoque*
assiduis cædibus ita subegerunt , ut
ne oculos quidem aut vocem Nu-
mantini Viri quisquam sustineret.
Et quid aliud fortissimis de
Germanis, & meticulosissimis
de Gallis Cæsar Julius ? Hos ne
vultum quidem, atque aciem oculo-
rum Germani militis, se ferre posse,
rotundè sibi fassos disertè tra-
didit. Commentaria ipsius
consulant , hæc verba ipsius
propria videbunt.

Sed nimirum , hæc nostro
sunt ab ævo remotissima, sue-
tis modulis cantabit Gallia.
Obiiciat autem & illa nobis,
bellis novissimis , Rocrojam,
Lendium, & Atrebates, in Bel-
gio ; cui reponemus in eodem
Belgio, & quidem in Arthelia,
cladem Gallicam, & Victoriā
à Francisco de Mello ad Hun-
cour-

courtium obtentam, tum & S. Audomarum, Theodonis Villam, & Valencænas; Fuentarabiam in Cantabriâ, Ilerdam, vulgò Leridam, in Goth-Alaniâ, ſeu Cataloniâ, Dolam in Burgundiâ. *Et quid unquam, obſecro* (ut propriis meiſmet verbis, è meâ Paræneſi ad Germanos pro communi Patriâ, libertate, gloriâ tuendâ, ſumptis utar) *in nos exteri, niſi ſub Germano Duce; vel Duces exteri, abſque militibus Germanis, ſiſtis & annalibus geſſere digni? Quicquid in Alſatiâ, Briſgoviâ, ad Briſacum, hoſtis vel amicus ſucceſſuû miratur, ſuſpicit, ſtupescit, id totum dextera, totum capulus Alemannus dedit. Quàm enim ſtupidi, & imbelles, & Noſtram ad fortitudinem enerves, ubi ſoli; aut noſtris viribus deſtituti, ſuarum ipſi legionum, militum, cohortium, alarum numero potiores?*

Ad Dutlingam, exemplo novo, totus, integer, unius legionis instar, exercitus oppressus; ad Friburgum cæde miserabili imminutus; ad Mergenthalium, Nostri à paucioribus concisus, & fædißimè fugatus. Iam, ad Allerhemium, quantam ferociam, furorem quantum, quantum impetum, & confidentiam in suis nimiam, generosi, fateor, nec infelicis, sed Galli Principis, Germani pauculi non emendavimus? Ut congressus ille Nostros porro non detrectavit? Ut Virtutem Nostram non abhoruit? Vbi Archiducis deinceps armorum fulgorem vidit, ipsius fulmina non toleravit; Rhemumque transiens ad Sequanam perrexit; Virtutemque Nostram, vel invitus candidè laudavit, & candorem præsentis vulnere consignavit. Noster Leopoldus autem, ut jam docuerat, Gallorum esse vicinos forsitan alicubi leones non item aquilas terrere, expedi-

peditionem illam, ut apparebat, æstatis integræ, si non ætatis, fugatis hostibus generosè victor, compendio dierum aliquot inclusit. En Gallicam fortitudinem superioribus Nostrisq; sæculis eandem; quæ quantæ sit considerationis & valoris, nuper etiam in portu Chicheri imbelles Mauri, & in Candiâ molles Turcæ docuerunt, quorum tamen diversos impetus, & formidabiles insultus, post Gallorum (dicânnè abitum an fugam?) stupendo robore Germani pauci sustinuère & fregère.

Addamus, & omnes ferè Domûs Capetinæ Reges, peditatû semper Gallicum, quasi huic non satis fiderent, Helveticò firmâsse, & modernum Ludovicum Regem nunc vel maximè in externo milite legendo, non in Helvetiâ duntaxat,

xat , sed & in Germaniâ ,
Scotiâ, Hyberniâ , Sabaudiâ,
pedemontio , Hetruriâ, ac di-
tionibus Mantuanâ, Mutinēsi,
& Parmensi, Verbo , omni in
Longobardiâ laborare , quò
non modò hisce suis , uti reor,
antesignanis & triariis , acie-
rum suarum frontem atq; ter-
gum suismet Gallis, ut credide-
rim, in medium receptis, mu-
niat, sed & Germanico, inò &
nunc Helvetico, gravioris ar-
maturę equitatu suum animet.
Parùm tamen sapienter mihi ,
salvâ Veniâ , illi Principes a-
gere Videntur, qui, quòd p̃m-
ptissimum & ferocissimum
servitutis suæ , alienæ ambi-
tioni potentiaęque , sibi etiam
ad extremum imminenti , fa-
mulari & servire connivent,
aut permittunt , imposterum
infirmiores suismet viribus
ob-

obruendi, mucronibus suis-
met jugulandi. Qui enim faci-
les sanctissimis etiam promif-
sis, addam & juramentis Lu-
paræ, aures præbent, horolo-
gii Gallici fallacia momenta,
immemores Belgarum, non
fatis capiunt, fraudulento e-
jusdem indice seducti. Hæc
paulò fusius eò retuli, quò Or-
bi liqueat, arrogantem Gal-
liam nequaquam Nationis suæ
fortitudine, minùs etiam aper-
to ac generoso Marte, sed tan-
tùm arte, imò artibus suam il-
lam ad magnitudinem grassa-
ri.

Esset ex Ordinibus Imperii
Romani non nemo forsan, qui
has solertiæ Gallicanæ vias
omnes, & seorsim singulas sibi
exhiberi anhelaret, cujus ego
desiderio libentissimè suffra-
gaturus, earum artium, quibus
Gallia

Gallia stupendam illam suam ad potentiam valet, esse primam ausim dicere, quod ubique, dissidiorum semina ferendo, juncta dividat, & coherrentia dissolvat, ut suas interim haud procul domo spicas metat. Ita cum Philippi IV. Hispaniarum Regis Vires, sibi graves, suoque ferro haud frangi faciles sentiret, Atlanticum ad Oceanum Portugalliam & Algarbiam, Ducem per Pragantinum, ad rebellionem movit; & nuperrimè, contra Pyrenææ pacis sacrosanctas leges, juramento Regio firmatas, per Shombergium in rebellionem fovit. Ita motam Neapolim per Ducem Guisium adversus Iberiam excitare cepit; Goth-Alaniam excitavit; & Monacensem Principem Regis Catholici Imperio subdu-

duxit. Ita & Regno Sueciæ, cladem poſt Nordtlinganam ad concordiam inclinanti, armorum in Germania pertinaciam, adverſus Cæſarem, non ſine multis auri myriadibus, perſuaſit ; quibus etiamnum triplex illud fædus per Colbertios in Britanniâ, per Pomponios & Courtinios in Scandinaviâ diſſolvere conatur, æquè Holmiæ, quàm Londini gnava ; inſtructos quoque per Gravellios Vobis in Ordinibus, ſi poſſibile, ſimiliter componendis Ratiſbonæ eadem ; perque Gremonvillios Viennæ etiam ipſamet in Aula Cæſaris audaces. Nimirum religioſus ille Ricolocius raræ politices Magiſter, dilectæ ſibi dudum Galliæ jam altum acclamavit, & inculcavit ; *divide & imperabis.*

Gallicarum artium subjun-
go alteram, priori admodum
affinem. Controversiis Chri-
stianos, & nostros maximè
Germanos inter Principes
suborientibus vel excitatis,
confestim Gallia suos per ab-
legatos, etiam non vocatos, &
hinc nonnunquam minùs gra-
tos se immiscet, foetrix passim
in communi, faetrix singulis
in particulari, mediatrix inter
omnes, inde arbitra, mox
pars, prompta semper in tur-
bido piscari. Id nostra sensit
superiori seculo jam Cerma-
nia, cum Henricus, illius no-
minis secundus, Rex Gallia-
rum, partes protestantium as-
sumpsit, hâc occasione Metas,
Tullum, & Verodunum, Im-
perio subducens, qui Turno-
nio deinde Cardinali, juxta
Schomburgicas trāsactiones,
&

& conventionum religionē, ut redderet suadenti, *Rationes statūs cum Breviario ipsius haud convenire*, absq; scrupulo respondit. Sensit & nostro sæculo, cum Ludovicus XIII. decessor hujus Galliarum Regis, partes Protestantium similiter assumēs, publicè & solemniter Francofurti, Ulmę, Heilbronnæ, alibi, *se præter Confœderatorum libertatis conservatæ gloriam, in Germania nil quæsiturum*, & juravit, & jurejurando, non uno etiam, confirmavit; quam & ipsius mentem integram Philipsburgum & Alsatia ad Rhenum, & Brisacum etiam trans Rhenum, luculentissimè testantur; opportuna illæ nimirum speculæ, è quibus jam commodius litigantium Nostrorū Principum emolumentis & concordia integerrima
illa

illa Gallia, etiam, si necesse fuerit, structis pontibus, iustisq̃ue exercitibus traductis, ut prospiciat se promptissimam profitetur. Sensere quoque mediaticis hujus Galliæ candorem Moguntinus & Palatinus Electores; quem eundem valde vereor ne ad extremum Archiepiscopus Elector Coloniensis, & ipsa Colonia Agrippinensis, sētiant; quamvis nodum illum Gordium non nisi plurium Monarcharum Rerumque publicarum ferro tentandum iudicem.

Jam corruptelis (artium Gallicarum tertia) quæ & quomodo grassetur Gallia, multis, ut crediderim, aliquando voluminibus Polonia vulgabit; quam iisdem ex libera verè famulam, ex electivâ hæreditariam, & è Sclayonica ferè Gallicam

licam feciſſet, nî fuiſſet, qui
ſtructam Gallicæ Reginae ma-
chinam ſingulari felicitate (ut
aliquo ſeorſim ſcripto, ſi vita
ſuppetat, demonſtrabo) in rē
Cæſaris, & Imperii, diſſolviſ-
ſet. Aliàs, procul dubio, au-
daciffima corruptrix Gallia,
voti compos, hac eadem ſua
arte Magnum Moſcorum Du-
cem, Sulthanum Turcicum,
Scythicumque Chamum ſuos
ad conceptus diſpoſuiſſet, iis-
que conniventibus, ex Oriē-
te & Occidēte, Viſtulâ Rhænō-
que, illinc Sileſiam, Moraviã,
Hungariam, hinc Sueviam,
Franconiam, Bohemiam, il-
lius ſuisque Populis ſimul inū-
dâſſet, & fortalliſ Romano-
rum ac Germanorum Regem
Ludovicum ſuum declarâſſet.
Sed Polonia meliùs edocta,
multis Florenorum millioni-
bus

bus sapientior, è religioso Archangeli sui Michaëlis voto, periculosissimum hoc dilemma solvit, hujusque artis liberalissimæ Magistræ, pro argumentatiõe istâ aureâ gratias ingratas reddidit, certa difficillimam, totâ Germaniâ interjectâ, repetitionem fore. Faterentur ne & hujus exactissimam eruditæ Galliæ professionem munitissimæ illæ Urbes, Tornacum, Duacum, Cortracum, Insulæ, periodo non trium mensium subactæ? Harum certè, singulas, desideratis legionibus instructas, unius & totius belli Gallici apparatus frangere potuisse, vel debuisse, architectonicae militaris peritissimi divulgant. Quàm autem, munitis urbibus in acquirendis, suo arario profusa Gallia non parcat, Duni.

Duinkercka docet , palàm
quatuor millionibus floren-
rum empta. Scient porrò, pro-
fectò ſcient variorum Princi-
pum Miniſtri , auro Gallico
ſeduc̃ti , quantum annuæ ejus-
dē corruptioni debeant , quo-
rum Domini, iſſis integris,

*Ærati poſtes, ferrea turris erant.
Sed poſtquàm ſapiens in munera
venit adulter,
Præbuit Aula ſinus, & dare jūſſa
dedit.*

Vulgat (quartò) imò jactat
Gallia, continuum generis hu-
mani componendi ſtudium:
libertas nempe & ſpecioſa nomina,
Pacis ſcilicet & Concordiæ,
prætexuntur; nec quiſquam alienū <sup>Tacitus
lib. 4.
Histo.</sup>
ſervitium, aut dominationem ſibi,
concupivit, qui non eadem iſta voca-
bula uſurparet. Uſurpavit ſanè
jam olim Gallia quando Bur-
gundiæ

gundia Ducatum iisdem cal-
lidissimè circumvenit: quàm
verò novissimè hoc sacrofan-
cto Pacis titulo Reginae Cat-
holicæ, toti Mantua Carpeta-
norum, ac synceritati Belgi-
cæ imposuerit, ille velut ada-
mantinus, ac ratione ullâ fran-
gi nescius, *æquitatis & veritatis*
læsa Vindex Clypeus luculentis-
simè probavit; cui & excel-
lentissimorum totius Gallia
cerebrorum acumina, jussu
quoque Regio animata, hæte-
nus non suffecere. Ore sanè,
ore Galliam tum concordiam,
corde bellum calidissimè &
callidissimè fovisse, eventus
docuit, quò videlicet Belgas
candidos, suavissimo pacis
nomine deceptos, prout fecit,
opprimeret incautos.

Hac eadem ferè methodo
fidelissimos Regi suo Burgun-
dio.

diones , impenetrabiles ſuis corruptionibus cùm adverte-
ret , mille artificiis & technis Vaſerrimè aggreſſa, vanâ Neu-
tralitatis oſtentatione , varios per circuitus , & adornatas ad ſpeciem propoſitiones, diutiſ-
ſimè circumduxit , & eorun-
dem ablegatis primò Lugdu-
num, mox in Helvetiam, dein-
de Divionem accerſitis , hoc falſo eos lenocinio à propriæ defenſionis curâ , faciliùs ut opprimeret, ſeduxit. Hanc ve-
rò , & non aliam religioſæ Galliaë fuiſſe mentem , ipſius Condæi Principis ad Ludovi-
cum Regem & Louvoyum lit-
teræ , unâ cum reſponſoriis in vulgum emanatæ , docent ; è quibus etiam manifeſtè liquet hoſce omnes in ſpeciem tra-
ctatus , non duntaxat ad faci-
endum Burgundis fucum tum

terendisse, sed & illos ipsos, quos ad hanc fabulam exhibendam Gallia destinaverat, arcanis mandatis instructissimos fuisse, ut hac sub larva, libertate hospitii indignè abutentes, loca Burgundiæ minutissima penitus investigarent ac lustrarent, Regis Catholici Vasallos futilibus commentis exanimarent, & meditatam invasionem omnia disponderent ac præpararent. Et hoc quidem Galliæ tunc ex voto cessit: fraus & dolus enim evicere, quod vis nulla extorqueret potuisset; ita ut brumâ mediâ exiguis fessisque copiis, pauculorum dierum spatio Provinciam subjugârit, cujus antea vel membrum unicum, Dola illa inclyta, vires Galliæ unitas æstate integrâ fatigaverat, inè fragerat invicta.

Quin-

Quintam eſſentiam Galli-
carum artium quæſitis è præ-
textibus , novisque indies &
ubique, ad conciliandam Mar-
tis & Bellonæ gratiam , rixa-
rū occasionibus extrahemus.
Sic pauculos ante annos , ob
ſui & Hispanici Legati fortui-
tum rhedarum in Britannia
Londini ; ſic Romæ in Italia,
ob Ducis Criquy , & Conſor-
tis ejus , pediſſequorum cum
Corſis tumultuarium concur-
ſum , tantum non ad arma , &
ad arma , ob cauſas frivolas,
cum Duce Carolo Lotharin-
go ventum , quem Provinciis
ſuis exiit , occasione præſidii
ejuſdem Bitſio & Homburgo
quoque imminens. Et quid
etiamnum Gallia , ratione de-
cem urbium Auguſtalium , in
Alſatia non molitur ? Tam il-
la ſub Imperatore & Imperio

immediatæ sunt, quàm Landt-
 graviatus Alfatia ipfusmet
 fuit. Sed nimirum Landgravii
 earundem fuere advocati; fa-
 teor, ob vicinam Galliam. At
 quas nunc advocatiæ suæ ra-
 tiones Gallia allegabit? an ur-
 bium quoque Imperialium ad-
 versus Imperium protectio-
 nem quæret? Imò quærit
 controversias, quòd earum li-
 bertati insidietur. Archidu-
 ces, ut Landtgravii, earun-
 dem Domini non fuere, & plus
 juris in alium transferre non
 potuere, quàm ipsimet habue-
 runt. Sed, ut prævideo, sem-
 per Gallia laboravit, ne & ibi,
 sicut alibi, in æternum ipsi

*Compagibus arctis
 Claudantur belli portæ.*

Quam, deniq; ob rationem,
 aut quas, dicam melius, ob ra-
 tio-

tiones, doſoſam Galliam ſuos exercitus hinc inde circumagere exiſtimemus? an ob ſoſam virium ſuarum oſtentationem, & inanem potentia ſua gloriā? Imò verò ad formidinem vicinis incutiēdam, ut amicitiam & protectionem illius quærant; vel ut eos ſuarum partium vexationibus & minis faciat; vel, ſi ad arma comparare ſe voluerint, ſumptibus eos maceret, & exhauriat; vel ut per hæſce exercituum ſuorum tralationes irritas, & vanas, armorum vicinitati aſſuefaciat, ne ulterius eas timeant, & paveſcant, quò facilus deinde incauti poſſint obrui & ſubjugari. Hos in fines, & non alios, rugientis leonis inſtar, quærens quem devoret, perpetuò armata circuit, iſque duntaxat artibus,

ut dixi , conceptam suam ad
Monarchiã fallacissima graf-
fatur , totius Europæ reliquæ
ad formidinem , quæ ad hoc
spectrum undique & conti-
nuò pavefcit , nunquam fui,
nunquam pacis, nunquam tra-
ctatum fœderúmque , nun-
quam amicorum etiam secu-
ra , pace fruens bello diriore ;
si enim se armaverit, apparatu,
ut dixi, Martio se exhauriet, si
non armaverit, obnoxia inva-
sioni.

Hic jam è præfatis omnibus
illa quæstio decumana surgit ,
unde Galliæ , olim (quemad-
modum suprà tetigi) tam im-
potentis, vixque triennali bel-
lo sufficientis , stupendæ illæ
vires, ut exercitus illa suos, a-
liis , conciliatâ pace , ob æra-
rium exhaustum , legiones
suas exautorantibus, sola reti-
ne-

nere, continuo augere, bella
alia, poſt vicennalia, moliri,
tótque ſimul ad actiones & fa-
ctiones, vias aperire, ipſiſque
noſtris in viſceribus tot ſecta-
tores, tot adminicula ſuarum
intentionum reperire poſſit:
Nos autem noſtra in Germa-
nia quodammodo jaceamus,
ipſiſque vileſcamus; quin e-
tiam ex parte (quæ nonnullor-
um Principum noſtrorum eſt
inſania, imò eſt infamia) non
abſque hujus ſeculi, poſterita-
tis, ac Nationis noſtræ ſcan-
dalo, ſerviamus? Memini in
exordio me numerâſſe ſexa-
ginta florenorũ milliones; ho-
rum potentiæ cedunt omnia;
quorum & fulgori hodie (prò
dolor!) Mundus, ſed imundus,
Reipubl. noſtræ ſalus, emolu-
mentum, ornamentum, Patriæ
communis charitas, & ipſius

adeò libertatis (nostris quæ
majoribus , haud immeritò ,
ipsâ quoque vitâ potior habe-
batur) amor miserrimè & te-
rrimè succumbit. Sic ut ni-
miùm videantur Cacopolitici
illi nostri impiissimum car-
men illud studuisse:

*O cives , cives , quærenda pecunia
primum ,*

Virtus post nummos.

Seneca
epist. 76. Quid autem ille sapiens Roma-
nus ? *Vir bonus*, inquit, quod ho-
nestè se facturum putaverit, faciet,
etiamsi laboriosum erit: faciet, etiã si
damnosum erit: faciet, etiamsi peri-
culosum erit. Rursus quod turpe erit,
non faciet, etiamsi pecuniam affert,
etiamsi voluptatem, etiamsi poten-
tiam. Ab honesto nulla re deterrebi-
tur, ad turpia nulla spe invitabitur.

Videmus ergo, Imperii Ro-
mani Ordines, videmus, ho-
rum omnium scaturiginem
malo.

malorum potentiam eſſe Gallicam; potentiæ verò Gallicæ ſolam, unicam, tot proven-
tuum annuorum milliones
cauſam eſſe. Unde autem, un-
de illæ, unde Gallia, unde
Regi? Quæſtio altera profe-
ctò minimè admiranda, cùm
Regnum illud innumeris ali-
unde comparandis egeat; auri
verò, argenti, cupri, plumbi,
ſulphuris, mercuriique, mine-
ralibus nobiliſſimis omnino
careat. Quid ergo? quid ſi di-
cam ipſas Gallias & Gallos, ex
parte, noſtrâ cœcitate acutiſ-
ſimè videre, ignaviâ ex parte
noſtra etiam vigere, ſtultitiâ
noſtrâ ſapere, luxu noſtro ſu-
perbire, diteſcere ære noſtro,
noſtris viribus firmari, imò
& in nos armari? Paradoxa
nobis adferes, exclamabitis,
Waſſenberg! ſiccine? Para-

doxa? immò, repeto, & affir-
mo Vobis, idolum illud, cuius
ipsiusmet facie terremur, cul-
tūque impiissimo perimus,
Hebræorum instar in deserto,
Thesauris nostris nos conflu-
re, extra omne periculum fu-
turi, si & cum iisdem desieri-
mus insanire. Quod ut melius
intelligatis, Aurifodinam,
quam promisi, Gallicam, Vo-
bis Ordinibus nunc referabo,
post eandem iterum, Vobis, si
placuerit, obstruaturus.

Summus Jupiter, sueto se-
culorum ordine adhuc fluen-
te, novā aliquā humanum ge-
nus sibi gratiā devincturus,
omnium è consilio Deorum,
suis alis Mercurium armavit,
ut in Orbem velox, populo-
rum commodis intentus, lon-
gè diffusa aliquando, ingenio-
sā quādam methodo, sociaret:
quod

quod promptiſſimus ille Nun-
tius cœlorum, ac ſuperorum
Agens, inſtructâ velis quorun-
dam aſſerum compage, Æolo
& Neptuno ſuffragantibus,
dexterrimè & celerrimè exe-
quutus, Orientem Occiden-
ti, Auſtrum Aquiloni, proſi-
cua mutuorum negotiorum
conſuetudine conjunxit, ut,
quæ ſingularum Gentium ac
Regionum fuerant, fierent
omnium; hinc à Mercurio
mercimonia, hinc merces,
hinc mercatores. Præcipuum
tamen, reliquis præ Mundi
partibus, emolumentum, è be-
nigniſſimo nutu Cælitum, Eu-
ropæ favens, per Venetias Ita-
liæ, per Hiſpalim Iberiæ, per
Ulyſſiponam Luſitaniæ; Bri-
tanniæ per Londinum, Hy-
berniæ per Dublinum, & Ger-
maniæ utrique, nec non Sar-

matia, per Antuerpiā, Amstel-
læ, Rottæq; Damos, per Ham-
burgum, Lubekam; Montem
Regium, & Dantiscum, Tel-
lure Deâ, almâ Cerere, Pluto-
ne, sive Dite (unde & divitiæ)
largè concurrentibus, lucu-
lentiſſimè prospexisset, multa
multis, jovem iterum anhe-
lans, *Industriae* commendavit.
Hæc operosa semper, otiosa
nunquam, miserta Gallia, na-
tivo auro & argento non or-
natæ, ac non nili vitiatâ quâ-
dam Patris Liberi, Tethidis-
que gratiâ provisa, in ea resi-
dere, omnémque suum appa-
ratum explicare, desideratam
quoque ad illius felicitatem
ac potentiam, concepit, in qua
tamen cum & ingenio, & ju-
dicio, ad suam mentem, non
sat proficeret, sorore *Solertiâ*
suggerente, suum etiam ad fa-
mu-

mulitium *Inſaniam* adſcivit, cujus veneficio omnes alias Europæ Gentes ſui ad amorem intoxicaret; quæ & conſeſtim, largiſque paſſibus, juſſu Dominae progreſſa, Italiam nonnihil; Hiſpaniam, Britanni-
niam, Daniam, Scandinavi-
amque magis; at Germanias noſtras maximè infecit, & earum è motis mentibus auditâ nunquam *Aurifodinâ* Galliam beavit. En! Imperii Romani Ordines, en in fabula veritatem; quam ego Vobis per enumerationem partium, luce meridiana clariùs demonſtrabo.

Dixi nunc, & ſupra dixi, nativo auro & argento (quorum, & aliorum metallorum venis, Hungaria, Bohemia, & Germania noſtra ſcatet) Galliam minimè ornata, quod tam eſt verum, ut id & eſſe verum

rum ne ipsa quidem Gallia inficiari ausit. Dixi illam non nisi inficetâ quâdam Patris Liberi Thetidisque gratiâ provissam ; quod ipsum & experientia confirmat. Inprimis enim vina Gallica, Patris Liberi nominibus à me expressa, si vitium Italicarum, Hispanicarum, & nostrarum etiam Germanicarum genimini generosissimo, & nobilissimo comparentur, esse levissima & vilissima, in confesso est. A nativitate sua unius ætatem anni omnia vix ferunt ; quædam etiam Augustum ante mensem ejusdem anni quo crevère corrumpuntur. Hinc vel insipida, vel recentia bibi debent, utroque usu noxia sanitati. Quantò autem, quantò non Hungarica, Austriaca, Tyrolensia, Franconica, Rhenana, Mo-

Mofellana, atq; Rhetica noſtra
Vina (quibus ſolis Auguſtus
Imperator olim , cū & Ita-
liam, & Hiſpaniam, Cretam,
Græciam, utramque Maurita-
niam, Ægyptu, & tam opimas
Africa, Aſia, Europæ, Mundi-
que partes poſſideret , uti vo-
luit) illis Gallicis, Andegaven-
ſibus , Tholoſanis , Aquitani-
cis, & quocunque tandem no-
mine vocentur, præſtantiora!
Horum pleraque ab ætate &
vetuſtate æſtimationē, digni-
tatem, pretiūmque ſumunt.

Jam & Tethidis , ſeu maris
gratiâ , nōnne Gallia quoque
eſt vitata ? E prole quam illi
peperit, & parit indies, ſale pa-
tet. Fœdus ille, nigredine de-
formis, corroſivus, craſſus, &
Hiſpanico, Luſitanico, Bur-
gundico, Bavarico, Auſtria-
co, Polonico, & Saxonico,
nullâ

nullâ ratione comparandus. Cum redigitur ad decocturam ferè totus, ob nimiam humiditatem, in vapores abit, sic ut, si illius, & Hispanici, vasa æqualia, eandem simul ad decocturam redigantur, tertiâ parte minùs Hispanicus decreascat; contrâ, si marinâ, requisitæ quantitatis, aquâ additâ, recoquatur, Hispanico ferè triplo amplius quàm Gallico accrescat, utriusque decoctoris, vel recoctoris, inæquali cum dispendio, vel compendio, cum unius, præ alterius (ponamus centum florenorum salis) decoctioni, triginta facilè decedant; & unius quoque præ alterius, recoctioni plures etiam accedant. Manifestum quoque, sale Hispanicum, Lusitanicum, Burgundicum, Bayaricum, Austriacum, Poloni-

ni-

nicum, & Saxonicum, candiſſimi coloris, & eximiæ virtutis, longè Gallico, ad omnem uſum & ſanitatē, opportuniorē eſſe.

Cur itaque, reponetis, & Vina Gallica, & Salem Gallicum, totis, crebrisque claſſibus Britannia, Belgium, Provinciæ inferioris Germaniæ confœderatæ, & verſus Aquilonem his Vicinæ; tum & Dania, Suecia, Livonia, Pruſſia, tam operoſè quærunt, tam copioſè bibunt & conſumunt? Dixi, Induſtriam, malè proviſæ Galliæ commiſeratione tactam, in ea ſuum quoque ad famulitium, Solertiâ ſorore ſuggerente, Inſaniam adſciſſiſſe, quæ regiones, regna, gentes, intoxicârit, quod hoc infectarum mentium è ſolæciſmo manifeſtè patet, cū de
ſale

fale vinisque longè melioribus sibi prospicere aliundè possint. Libetne scire quantum Aquilonaris unica hæc dementia Regno Galliæ importet? scio, quâ estis curiositate, libet. Secundum justos prudentissimorum virorum calculos, me coram rectè positos, è solo fale suo Gallia miliones florenorum propè decem; è Vino verò ultra quindecim annis singulis emungit, quarum duas ferè tertias, nimirum partes, unitarum Provinciarum mercatores in eam hætenus intulerunt. Quid obstupescitis ad hanc periodum Ablegati? Non esse absolum id veritati, liquor è Vino distillatus, quem crematum, vel adustum vocant, perspicuè demonstrabit, cujus distractio per Germaniam inferiorem

Galliæ

Galliæ ſupra millones flore-
norum quinque annuè impor-
tat. Ex quo facile vir prudens
colliget, quantum ſolâ hâc è
ſtultitiâ, quæ infinita millia
ſtultorum parit, Regno Gal-
liæ accedat, ſi & Britanniam,
& Hyberniam, Dania, Sue-
ciam, Livoniam, Brouſſiam,
totumque Septentrionem co-
gitet, qui eodem quoque di-
ſtillato liquore dementiam
comunem fovet. Quanta au-
tem non cæcitatibus, tanto auri
argentique cum diſpendio per
maria, per Oceanum, ventis,
velis, claſſibus ad hoc vagari,
quod domi facile, domi extra,
hi, ſi uvæ deſint, è frumento
potest; Nullibi ſanè melius,
quàm hoc modo ſuâ in Sarma-
tiâ diſtillatum Poloni bibunt.
Sed nimirum Infania, ut dixi,
Gentes Aquilonis ſic infecit,
ut

44 *Aurifodina Gallica*

ut ære suo, non necessario, potentiam Galliæ, sic felici, per se aliàs infelici, conciliarent, quæ distillato hoc è liquore, ejusdemque Patre Bacho, ac deformi sale, fœtu Tethidis, millionibus florenorum circiter quadraginta annis singulis ditescit.

Magna hæc fateamini necesse est, at non minora, imò etiam majora, quæ Industria, eandem per Insaniam, suam scilicet emissariam, emolumenta Galliæ sub confert. Cōcepit illa, immò, eâdem Solertiâ sorore suâ obstetricante, peperit, & subdolè deinceps infinitis novitatibus ad stuporem usque adornavit, cujusvis ad libidinem & prostituit Dominam *La Mode*, meretricem illam insatiabilem, artes omnes ac blanditias ad se.

ſeductionem, corruptionem,
& enervationem virium hu-
mani generis exerentem, &
gangrenæ inſtar omnia quæ
tangit, ſui unius ad alimentum
& emolumentum, exedentem.
Hujus enim fatuo amori, non
myrrhæ, neque thuris, ſed au-
ri puriſſimi oblationibus My-
ſtæ inſipientiſſimi litamus,
ejuſdem vanitatum quiſqui-
liarum, & crepundiorum anti-
doris, uſque ad viliffimas filii
prodigi ferè ſiliquas infelices.

Fons & origo hujus præpo-
ſteræ devotionis ab invetera-
ta, ſemper à prudentioribus
damnata, nunquam tamen ab-
rogata conſuetudine illa flu-
xit, juventutem in Galliam
mittendi, quæ ad idoli illius
pedes non modò quicquid ha-
buit & habet generoſæ indo-
lis, ingeniti candoris, gravi-
tatis,

tatis, probitatis, frugalitatis, verecundiæ, & constantiæ, dudum posuit, & ponit, sed & quem ibi vidit videtque luxum, versutiam, levitatem, assumpsit hactenus, & assumit, jam planè Gallica, non linguâ tantum, sed & moribus, & illo ridiculo nonnunquam & inimico vestitu. Hæc in Britanniam, Daniam, Sueciam, Livoniam, Poloniam, & Germaniam præsertim nostram, uti Galliæ viciniorem, redux, peregrinis vitiis imbuta, usque adeò (prô dolor!) contagione nocuit, & nocet, ut communem nostram Patriam, atque sæculum jam infecerit, & pro barbarico ferè habeatur quicquid Gallicum non sapit. Ita moderatiores etiam in eosdem sensim mores vel invitâ abire, nec eosdem Stoicâ quâ-

quâdam austeritate averſantes contemptui & ludibrio haberentur, minùſque decens videretur ſeculi vitio non parere. Vix ſapiunt nobis cibi niſi à coquo Gallico præparentur, aut certè in morem Gallicum condiantur; & vix uxoribus mariti, & maritis uxores placent, niſi ad modum Gallicum ornentur; unde & in aulis noſtrorum Principum, ad ſequioris ſexûs diſcriminandum, & ædificandum caput, tot Gallicæ comptrices. Quid autem inde? Subverſio paulatim familiarum, paupertas regionum, diſſolutio militaris diſciplinæ, & corruptelarum, quibus hodie Imperium Romanum patet, inòſcatet, commercium infame; ſic ut auſim dicere in Germania Germani ferè nihil nunc ſu.

superesse. Et novit ingeniosa Gallia nostræ dementiæ callidissimè & calidissimè suffragari, nova indies inventa & fomenta sui luxûs, præsertim vestium & vanissimi ornatûs, terrâ, mari, curribus & velis, largè suppeditando; quæ si penitus inspiciamus, nugæ nugarum sunt, quibus tamen omnem ferè Moneta Deæ gratiam, reliqui totius orbis cum exitio, ad se trahit. Scitisne enim, scitisne Ordines Imperii Romani, quantum & inania illa peregrini luxûs deliramenta, (dicam melius deliramenta) è Germaniæ nostræ & Europæ venis aurei cruoris extrahant? Ultra quadraginta Gallicorum florenorum milliones. Quid obstupefcitis & ad hanc periodum Ablegati? Ipsius Mercurii Sacramen-

mentis & mysteriis initiati, id non duntaxat manifestè docent, sed & authenticæ ipsæmet Gallicarum rationum tabulæ, à me visæ, hoc disertissimè confirmant. Ut non tantum hoc me dicere, sed & leonem ex ungue cognoscatis, ad hujus opusculi mei calcem subjicio libellum, sermone Gallico conceptum, quem consiliis collatis Parisienses, Lugdunenses, Rothomagenenses, aliique præcipui totius Regni mercatores, ante annos aliquot, cum Rex Galliaë Hollandicis de *manufacturis* (ut vulgari verbo utar) excludendis deliberaret, humillimè obtulerunt, exponentes, quantum inde damni in Coronam Gallicam, si vicissim Batavi, hâc prohibitione irritati, merces Gallicas eliminarent, redun-

daturum esset. Hunc legite Ablegati, & videte quàm exactè, & ad oculum, millionum plurium jacturam, authentico hoc suo documento mercatores Gallici demonstrârint; ad quorum calculum tunc Britannia, Dania, Suecia, Livonia, Polonia, & tot Orbis regiones aliæ non venerunt.

Hisce itaque à me relatis, Vobisque ab Ordinibus rectè ponderatis, tam tardi judicii nemo erit, qui non, si è Gallicis hisce mercibus ultra quadraginta, & è sale, vino, & cremato, quadraginta alios milliones videat, statim octoginta numeret & conjungat, quos annis singulis utrâque nostrâ, superiori scilicet & inferiori è Germania & Europæ reliquæ regionibus, Regnum Galliæ emungit, cùm iis ex
mer-

Reſerata & Obſtructa. 51

mercimoniis quæ in eam importantur, vix milliones decem ab illa redeant; ſic ut Gallia annuè ſeptuaginta ſcorenorum millionibus diteſcat. Et hæc eſt, Imperii Romani Ordines, *Aurifodina* illa *Gallica*, à me Vobis jam *reſerata*, operosa ab Industria, Solertia ſore, ut dixi, ſuffragante, emiſſariam per Infaniam, extra Galliam Galliæ procurata, apud Aquilonem & Nos quaſita ac inventa, quâ, (fateamur verum) cæci Galliam beamus, quæ illum deinde belli nervum ab ipliſmet Nobis ſuppeditatum, ſuum in arcum cogit, atque ſpicula in nos retorquet. Eam potentiam, quam timeamus, ipliſmet Galliæ conciliamus; qui & incendio huic maximo, ulterius indies graſſanti, non modò fomites, ligna

pabulum, suggerimus, sed copiosè oleum & affundimus; immò aggeres tormentarios nostris velut manibus Gallis struimus, è quibus, & nostris velut machinis, libertatem illi nostram insolentissimi oppugnent, lacerent, evertant. Arietes è nostris trabibus, ad subruenda nostra mænia, stulti Galliæ formamus, quæ ut cæcitatē nostram videt, haud immeritò eandem ridet, insipientiâ nostrâ felix, dives, arrogans, & generi humano, maximè Hispano & Germano, gravis. Ut enim ille temporum ac tempestatum dispensator. Sol nimirum, earundem terrarum ex humoribus ad se tractis, in easdem grandines, fulmina, ac tonitrua horrenda fabricat; ita Gallia variarum gentium è substantia, in easdem

dem formidabiles illos suos exercitus, classésque format. Et Rex Galliæ cōmerciorum ipse Regni sui Dominus, & in pecunia cumulanda totus, magis nihil etiāmnū curat, quān ut major indies in Calliam suam confluat, rara exeat, suarum mercium ubique distrahendarum, ac peregrinarum, quantum possibile, proscribendarum æquè sedulus, hâc solertiâ, tractu temporis, pecuniam Europæ omnem ad se derivaturus, Mundóque leges, inexhauribili hoc nervo belli, præscripturus.

Quid ergo, reponetis quid ergo Wassenbergi? jam ego, Imperiū Romani Ordines eandem hanc, quam referavi, Aurifodinam Gallicam Vobis obstruam, ipsāmq; Galliam, si voveritis, moderationem red-

dam. Sit equus quomodocunque etiam generosus, petulans, indomitus, stare loco nescius, & impatiens frænorum, si occurrat qui arte tractet, qui avenam illi prudentissimè disponat, ad Alexandri hujus dexteram palatim hic Bucephalus mansuescet: Sublatis enim causis tollitur effectus, & sublatis mediis ruunt fines. Sed, ut videor audire, jam interrumpitis Ablegati, exclamantes, intelligimus quò tendas, percipimus quid velis: at quis remediis tam periculosis, & ut nunc sunt conjuncturæ rerum, intempestivis, irritare centum millium virorum exercitibus armatam Galliam audebit? Quis potentia tantæ molem, hisce vineis in adversum actis, in se concitare, & ab eadem obrui non timebit?

Ad

Ad præpotentes, & hoc audentes, ſeptem mediocrium Provinciarum, ſed unitarum, Ordines, Veſtros oculos, quaſo, convertatis; qui Reipublicæ ſuæ primis ab incunabulis, palmæ inſtar, adverſus pondera ſurrexere, & continuo luctantes, ac discrimina non averſantes, præſentem ſuam ad magnitudinem emerſerunt. Per maria, per terras, tempeſtates, fluctus, turbines, & hoſtilia elementa ferè omnia, periculorum avidi, emergentia nova indies ad pericula navigârunt, eadèmq; triumphârunt, cùm nempe omnia periculorum remedia ſua pericula fore præviderent. Hi, inquam, iidem illi, qui utriuſque Poli diverſa climata, totque graduum hinc inde, in Europa, Aſia, Africa, & America

vicissitudines non horruere,
& Mercurii ipsiusmet omnes
à fundamento numeros, apud
Antipodas, Periæcos etiam &
Antæcos, penitissimè studuere,
absolutissimi harum artium,
œconomia, & prudentia
Magistri, rationibus Gallicis
inspectis & perspectis, sueta
in constantia generosissimi,
& generositate sueta constantissimi,
Christiani Orbis tranquillandi studio,
primi solique hoc opus arduum
aggressi, illum gurgitem nostris
divitiis saginatum, nec satiatum,
obturare; & horrendum
hiatum illum, Æthnæ instar
flammas identidem, nostra è
pinguedine conceptas, evo-
mentem, ne vicinas regiones
omnes devoret, obstruere
concepere. Et jam (quod felix,
faustum, fortunatumque)
lau-

laudabili exemplo, opera manu-
num Gallicarum, vinum ip-
ſum, ſalem & crematum, ut
mercimonia externa, ſibiſque
non neceſſaria, ediſtis publi-
cis ſuis à regionibus arcentes,
præivêre, & glaciem fregêre,
procul dubio deſideratum ad
effectum rem integram dedu-
cturi, ſi ipſorum conatibus ac-
cedamus; noſtrique Principes,
ſuo quiſque in diſtrictu, vora-
ci huic flammæ, ne medullam
ipſam ipſis in viſceribus con-
ſumat, aditus viâſque validiſ-
ſimo ſuorum etiam ediſto-
rum repagulo occludant: Nos
antem, Nos ingentium Impe-
rii Romani decem Circulo-
rum, quod anguſtarum illi
duntaxat ſeptem Provincia-
rum Domini non auſi ſimus?

At non nemo Veſtrum for-
tè regeret, animoſos illos Ba-

tavorum Ordines, creberri-
mis & diversis Teloneorum
Gallicorum auctonibus, pro-
hibitione manualium suarum
artium, iniquissimâ mensurâ
navium, & exactionû intole-
rabili rigore, justissimè com-
motos, similes ad ausus pro-
cessisse: qua fronte verò, quo
æquitatis titulo excludemus
cum Gallia Nos commercium,
quod jure Gentium, pacisque
legibus esse liberum oportet?
An arcebinus & Nos Gallos,
ut innuere, imò adstruere vi-
deris, ab humana societate?
An amicum Regem, pace ad-
huc vigente, hostis ferè loco
jam habebimus, & ejusdem in
nos arma provocabimus, nul-
lâ injuriâ laceßiti? Inducias,
obsecro, inducias Ablegati.
Scio, probè scio, ipsomet e-
tiam belli tempore, manife-
stos

Itos etiam ac acerrimos inter
hostes commercia in totum
non ceſſare, quorum neceſſi-
tas plerumque exigit, ut & di-
ſcordes animi, mutuamque ad
perniciem intenti, in ejuſdem
ſaltem aliquam utilitatem mu-
tuam concordent, cum & ſæ-
viſſimus Bellonæ furor hunc
humanæ ſocietatis nexum pe-
nitus diſſolvere non poſ-
ſit. Sit Gallis liberum apud
nos commercium, rata ma-
neant pacis pacta, illibata
Gentium ſint jura, ſanctę ami-
citix & vicinitatis leges, ita
tamen, potiſſimum ut nobis,
ſecundum unitarum Provin-
ciarum Ordines, charitatis il-
lud ſit præceptum, quo jube-
mur ſtudere potiùs utilitati
noſtræ quàm alienæ. Non ſua-
debo commercium Gallicum
extingui, ſed, ne nobis ſit exi-

tio , restringi : nec erit integrum ipsimet Galliae insinulare nos injustitiae , si idem , quod agit Gallia , agamus omnes. Illa , ne mutare quicquam ab aliis cogatur , omnia ad usum & delicias necessaria Marte proprio fabricare satagit , tam conservandarum pecuniarum suarum cauta , quam provocandarum exterarum solers. Illa operarios , & arte aliqua manuali excellentes , ipsas ad puellas usque vicinis è Provinciis , aliisque regnis , ad se vocavit & invitavit , ne quid eorum , quibus indigebat deesset sibi , imò & adesset tantum , ut & alijs mille parergis additis , vicissim suppeditare posset ; ac deinde merces exterarum earundem Gentium , è quibus Operarios & operarias evocaverat , & invitaverat ,
pro-

proſcripſit. Nec iniuriam hac ratione ſaltem, cuiquam infert, cum optimum & præclarum Politices ſit principium mercimonia, vicinorum etiam, prohibere illa, quibus abundamus; ita Principibus uſitatum, ut & in Provinciis quibusdam ſibi propriis religioſum velint; quemadmodum Imperator vina Hungarica, aliaque multa ex eodem Regno promanantia, interdicto ſua Austriâ excluſit, quò Austriaci & conſumere, & diſtrahere ſua poſſint. Et commerciorum ratio nulla poſtulat ut injurijs nobis ipsis ſimus, aliorum commodis ſuffragantes.

Sunt prætereà, ſunt multa, quæ non ad uſum & commoditatem vitæ, ſed molles ad delicias, voluptatem & faſtum
ſer-

serviunt, bene ordinata à Republica semper proscribenda, utpote luxûs, & vitiorum omnium incentiva, cujusmodi sunt ea, quæ nobis adfert Domina *La Mode*, quam nostris à ditionibus arceri non modò æquum & irreprehensibile, sed necessarium inprimis, si nostrâ Germani salvam Rempublicam velimus. Audiamus L. Annæum Florum de Romanis: *Syria prima nos victa* (dicam ego, *Gallia prima nos victa*) *corrupt.* Et, pauculis interjectis, illæ opes, inquit, atque divitiæ affluxêre sæculi mores; mer- samq; vitis suis, quasi sentinâ, Rempublicam pessumdedêre. Quare? pergat Florus: unde enim populus Romanus à Tribunis agros & cibaria flagitaret, nisi per famem, quam luxu fecerat? Hinc ergo *Grachana & prima & secunda, & illa*

Lib. 3.
cap. 12.
in ana-
cephalo
fi.

illa tertia Appulejana seditio. Vnde regnaret judiciariis legibus divulgatus à Senatu eques, nisi ex avaritia, ut vectigalia Reipublicæ, atque ipsa judicia in quæstu haberentur? Hinc rursus & promissa civitas Latio, & per hoc arma sociorum. En nos Germanos in Romanis per luxum ad famem, avaritiam, quæstum, seditiones & arma mutua devolutis. Et quid Germaniam modò nostram, nostrosque Principes Germanos magis inficit, seducit, & exhaurit, quàm peregrinus idem ille luxus? Per hunc Gallia non duntaxat nostrum in exitium ditekscit, sed & Principum Germanorum Aulas, ærario exhausto, obnoxias corruptionibus suis invenit; quarum Ministri certè, si Principes non ipsi, hoc stolidæ imitationis illicio fastuque capti,

capti, plus expendunt, quàm proprii legitimique proven-
tus ferunt, qui ut semel initam
prosequi viam valeant, mune-
ribus deinde Gallicis liberta-
tem suam mancipant, com-
munis Patriæ in perniciem lu-
xuriantes. Quàm procul au-
tem id à moribus antiquis!

*Lib. I.
de ira.*

*Germanis, ait Seneca, quid ani-
mosius? quid ad incursum acrius?
quid armorum cupidius? quibus in-
nascuntur, innutriunturque: quo-
rum unica illis cura est in alia ne-
gligentibus. Quid induratius ad
omnem patientiam? Et hâc pe-
riodo nostræ gloriæ præmissâ
interjectis pauculis exclamat;
Agedum istis corporibus, illis animis,
DELICIAS, LUXUM, OPES IG-
NORANTIBUS, da rationem, da
disciplinam, ut nihil ampliùs di-
cam, necesse erit nobis certè mores
Romanos repetere. Quare? quia*

Mori-

Moribus antiquis stat res

Romana virisque.

quàm, tametsi sub Nerone
summo in gradu positam, ut
ab Euphrate Oceanum ad At-
lanticum à Rheno ad Gara-
mantas imperantem, ruitu-
ram tamen, & nostram qui-
dem per Germaniam, delitias,
luxum, opes, tunc ignoran-
tem Seneca timebat, quia mo-
destiam, parsimoniam, tem-
perantiam, frugalitatem, olim
sub Fabricijs & Tiberonibus
vigentem, Romani deserue-
rant, & antiquos illos mores,
visâ Syriâ, cum Asiaticis mu-
târant. An tantæ sapientiæ
cum Philosopho argumentum
nobis simile jam non forman-
dum, idemque formidandum,
qui & ipsi, visâ Gallia, priscis
illis nostris à Germanis sub
Ariovisto, Arminio, Civile,
de-

degenerantes ad Dominae *La Mode* famulitium & cultum ferè transivimus, universi, frugalitatis & disciplinae veterum obliti? Maeste, Imperii Romani Ordines,

Moribus antiquis stet res

Germana virisque;

illique Dominae *La Mode* sint exilia, sit Bastilia; ac peregrinas illas ineptias pragmaticâ sanctione toto Imperio proscribamus. Libertas nostra ulterius non ferat in victu, vestitu & ornatu, leges nobis à Gallia præscribi; & vivendi rationem habitumque nostro genio convenientem, scilicet decentem, gravem, modestum & honestum resumamus. Sic Germaniæ nostræ sua facies, sic Imperio suum decus, sic Provinciis suæ vires, sic ærariis suus fulgor, sic Principibus

bus ſua potentia, ſic Miniſtris ſua integritas, ſic familijs ſuus vigor, ſic militiae ſua fides, ſic legionibus ſua diſciplina, ſic exercitiſus ſuum robur, Noſtræque Nationi deſiderata proſperitas redibit.

Hâc verò infaniâ Dominæ *La Mode* ſemel & in æternum proſtigatâ, & in Galliam relegatâ, Nobis Induſtriam, ſuperbiâ Gallicâ fatigatam, &, niſi fallor, Mercurio diſponente migrare jam paratam conciliemus, ut non modò Brabanticorum & Batavicorum, ſed & Argentinenſium, Ulmenſium, Auguſtanorum, Noribergenſium, Francofurtenſiũ, Hamburgeniſium, & Lipſienſium ingeniorum, viſâ artium ſubtilitate & integritate ſibi placentium, amore dudum captam, & hinc ſequi facilem,
&

& promptam; præsertim cum
& Germaniæ eorum nihil,
quorum indiget, deesse sciat.
Lanis optimis & pretiosis re-
gionum nostrarum multæ ob
infinitos greges ovium abun-
dant; neque mori ad alimen-
ta bombycum desunt, quæ ex
Italia atque Turcia ad nos
translatæ clima nostrum, ut
experientiâ jam didicimus,
non abhorrent tam proficuæ
nobis hîc ad omnis generis te-
xenda serica, quàm in Gallia
futuræ, si Operarij (quod fa-
cillimum) advocentur, per
quos juvenus nostra naturâ
docilis exerceatur. Et ma-
nualium illarum artium offi-
cinis semel introductis, stru-
ctis & instructis merces exte-
ræ, præsertim magnis vecti-
galibus ad morem Gallicum,
si onerentur, suapte exula-
bunt.

bunt. Fiet Germania paulatim quod fuit Gallia, ſuo commercio non ſufficiens duntaxat ſibi, ſed & Indico, è quo haſtenus tantundem ferè Galli ipſimet, quàm Hiſpani ſuam illam per ſolertiam fructuum percepère. Ita pecuniam non modò noſtram retinebimus, ſed augebimus Germani aliunde nihil, quòd honeſtiſſimùm, mendicantes, & exteris plurima, quod utiliſſimùm ſuppeditantes.

Et Germania noſtra opportunitate ſitùs longè Galliam antecellit, in medietullo Europæ poſita; cui unicum ad Oceanum, quàm toti Galliæ ubique, frequentiores, commodiores, nobiliores portus, Oſtèda, Antuerpia, Vliffinga, Roterodamum, Amſtelædamum, Embda, & (ut de mi-

no.

noribus infinitis taceam)
Hamburgum : ad mare Balthi-
cum Lubeca , Wisnaria , Ro-
stochium , Stralesunda , Wol-
gastum , Grypswaldia , Col-
berga ; & , ad mare quoque
Hadriaticum , Tergestum . Flu-
mina , præ Gallorum Sequa-
nâ , Rhodano , Ligeri , Ga-
rumnâ , unum Oceanum in
Germanicum suas undas exo-
nerantia , Scaldis , Mosa , Rhe-
nus , Amisia , Visurgis , Albis ;
in mare Balthicum decurrens
Viadrus , & Danubius in Eu-
xinum . Et hunc postremum ,
regnatorem annium Europæ ,
noster Carolus ille Magnus ,
emolumentis & ornamentis
Germaniæ intentus , unire
Rhenoc constituerat , ut quic-
quid Tanais , Phasis , Facto-
lus , Hellespontus , Orienta-
lium , & quicquid Occidens
ma-

manualium inventionum habent beneficio junctorum fluviorum, Nationi nostræ conciliaret, Mercurioque sedem firmam media in Germania collocaret. Cùm enim Almonius, seu Alemannus, in Danubium, & Danubius, ut dixi, in Euxinum; ac Radantia in Mænum, Mænus in Rhenum, Rhenus in Oceanum se effundant, & Radantiæ Almonique fontes trium horarum itinere à se invicem vix distent, nullique montes, rupes nullæ, fodiendi & jungendi facultatem adimant, prudentissimus ille Imperator noster, tunc Ratisbonæ residens, eò movit, illique operi verè Cæsareo, verèque Regio, Autumnum ferè integrum impendit, procul dubio perfecturus, si crebri imbres intempe-

pe-

pestivâ fossam aquâ non implevissent. Cur autem Vos Imperii Romani Ordines, nunc Ratisbonæ etiam congregati, Illustrissimo & Celsissimo cum illo Vestro omnium gratiarum Præside Marquardo, Antistite Eichstettensi, illorum fontium potentissimo & potissimo vicino, Carolinæ mentis desiderium non resumitis, fossâque à sacratissimo Leopoldo nostro Leopoldinâ Rempubicam non beatis? Non neglexêre, Circassios apud montes, similem occasionem barbari, Scythæ, Tartari; fossâque Kamusianâ Tanaim & Volgam, & per Tanaim & Volgam maria, Euxinum Caspio junxêre.

Et cur Vos, obsecro, Serenissimi, Eminentissimi, & Celsissimi, Electores, Duces, Prin-

Principes ad Rhenum, Moſellam, Mænum, vitiferis illis regionibus, & opportuniſſimis fluminibus felices, Veſtris meliùs emolumentis non intenditis, teloneorum moderamine futuri ditiores; Magna illa veſtigalia inferioris Germaniæ ditiones, Veſtro à commercio deterruere, & ineffabili cum Veſtro, Veſtrorumque ſubditorum detrimento, effecere ut vina Gallica apud eas, totàmque per Britanniam, Dania, Boruſſiam, & Aquilonem omnem invaluerint; quarum aliàs terrarum incolæ, Franconica illa Veſtra, Moſellana ac Rhenana, ætatem ferentia, & in ipsis quaſi vaſis ad colorem, odorem, ſaporem, annis ſingulis meliorem, matureſcentia, & hinc in remotiſſimas quoque Indias avehenda, maximè con-

venientia , multò libentiùs
quàm Gallicana bibunt. Ve-
strocertè si ærario, si subdito-
rum Vestrorum commodis,
prospectum prudentissimi ve-
litis , nunc nunc vel maximè
fronte capillatam occasio-
nem , Vobis velut divinitus
oblatam , utraque manu pre-
hendatis suaferim , cùm Uni-
tarum Provinciarum Ordines
suis Gallica à ditionibus tam
generosè jam proscripserint,
quos Franciscus Dominicus
Comes de Monterey, Hispano-
Belgis & Burgundis à Catho-
lico Monarcha , vicaria pote-
state , tempore opportunis-
simo Præfectus , reducendam
omnem Politices & Martis ad
disciplinam necessarius, & eri-
gendos ad Belgarum animos
ab ipsis velut superis creatus &
formatus , interdicto simili,
procul dubio , sequetur. Hanc
bel-

belliſſimam, repeto, occaſio-
nem, ſi Vos ad Rhenum, Mo-
ſellam, Mænum, Electores,
Duces Principes, tempeſtivè
modòprehendatis, ſi quod
tantopere Veſtrâ intereſt, ma-
turè expendatis, ſi moderami-
ne veſtigalium & incommo-
dis emporiorum, proficuo Vo-
bis maximè conceptui Belgæ-
rum occurratis, navigatio-
nem facilem reddatis, atque
pretio ut tolerabili vina Ve-
ſtra comparari poſſint efficia-
tis, Gallica in æternum exula-
bunt, commercia Vobiſcum
perennabunt, futuri quadru-
plo, in annos ſingulos, ut ſu-
pra tetigi, negotiorum ob-
frequentiam, ditiores. Si verò
hanc oblatam quaſi cælo fa-
cultatem modò negligatis, ſi
Veſtro & Veſtrorum ſubdito-
rum emolumentis non ſtu-
deatis, & ſi Veſtris & ſucceſ-

forum Vestrorum commodis non invigiletis, valde timeo ne æterno Vestro cum dispendio, ab occipite occasionem calvam, serò pænitentes, & commercia paulatim antiquum rursus obtinere videatis. Quid si & Imperator Noster Leopoldus Moravam in Danubium, & Viadrum in mare Balthicum fluentem, fossâ jungat? Id sanè, ob fontium, in Tescheniano Principatu, vicinitatem, factu facile Philibertus Cæsaris Architectus judicavit: Tunc profectò Hungarica Austriacàque vina, quorum ferè infinitæ regiones illæ copiâ abundant, beneficio junctorum amnium non modò omnes, ad mare Balthicum ditiones, sed & confederatas, Vestro irreparabili cum detrimento, Provincias implerent, cum Serenissimus
Ele.

Electoꝝ Brandenburgicus Fri-
derico Guilielmiana ſua foſſa
Albi Viadrum jam unierit,
magno illicio Mercurii tanti o-
peris ad coronidem etiã alati.
Vultisne plura dicam? Excel-
lentiffimus ille titulo ac ſa-
pientia Johannes Ludovicus
Comes à Sinzendorff, Camera
Imperialis Præſes, ſui Cæſaris
in emolumenta vigilans & ex-
perrectus, hoc eodem anno
Johañem Joachimum Becher,
Leopoldi Noſtri Imperatoris
Conſiliarium, prudentia civili
inſtructiſſimum, Amſtelæda-
mum miſit, ſequentibus eum
aliquot vinorum Hungarico-
rum & Auſtriacorum plauſtris
quæ Batavis in ea Urbe & Pri-
matibus Hagæ Comitum ad
probam data, ſummopere pa-
lato placuere. Hæccine au-
tem Vos axe Viennâ & Poſo-
nio deſideratum ad commer-

cium advehenda existimatis?
Averruncent Superi tantam
sapientiam à Nostra Camera
Imperiali. Vos videritis ad
Rhenum, Mosellam, Mænum,
Electores, Duces, Principes,
ne sæculum Vobis aureum
nunc renatum & oblatum ela-
bi per socordiam sinatis, &
cum Phrigribus insanis serò ne
sapiatis. Scient enim, profe-
ctò scient Præpotentes & tam
prudentes Unitarum Provin-
ciarum Ordines sibi modos,
sibi vias sua ad compendia
conciliare, quorū studio pro-
cul vino fæceque Gallica di-
stillandum ad crematum nunc
lebetes fumant, fervent artes
manuales & extrinæ, pulsant-
que mallei ad compaginan-
dam chartam, pro qua sola ha-
tenuis Hollandi ad minimum
octingenta florenorum millia
annis singulis in Galliam mi-
sere.

Cum

Cum hiſce obſecro Imperij Romani Ordines ; obſecro Germani & Hiſpani , Britones ac Dani, Sueci, Livones & Pruteni , tandem oculos aperientes avitos mores reſumamus , non neceſſaria præſcindamus à ſuperfluis abſtineamus , ut qui nativis & genuinis , ſi uti libet , ipſimet abundamus, præda ulterius aſtutiæ Gallicæ ne ſimus , & commune noſtrum in emolumentum conſentientes , theſauros noſtros nugis & crepundiis Dominae *La Mode* non permutemus. Sic enim Aurifodinam illam Gallicam obſtruxiſſe , erit Galliam , cataclyſmate nunc exundantem , deſideratos intra limites redegiſſe , Reipublicæ Chriſtianæ tranquillitati proſpexiſſe , & ſecuritatem Orbi reddidiſſe.

*Estat des Marchandises qui se
se fabriquent en France & qui
se transportent tous les Ans en
Angleterre & Hollande , pre-
senté au Roy Tres-Chrestien
pour luy faire voir le profit qui
luy resulloit & a son Royaume
du Commerce étranger & le
dommage qu'il recevroit si luy
apportoit quelque obstacle par l'
Interdiction qu'il avoit Com-
mencé des Marchandises Hol-
landoises.*

I. *IL s'y transporte gran-
de quantité de Velours
plaines & faconnez , Satins
plaines & faconnez , Toilles
d'or & d'argent , Armosis &
autre Marchandises de soye,
que se fabriquent a Lyon qui
peuvent monter a plus de
deux Millions.*

II. *En pannes Soyes. Taf-
fetas. Poudefoyes. Armosis.
Toilles & Moires d'or & d'ar-
gent , Tabis plaines & facon-
nez,*

nez, Rubans de Soyés & autres estoffes de Soye, qui se fabriquent à Tours, pour plus de quatre Millions.

III. Rubans de Soyés, Dantelles, Passements & Boutonneries, qui se fabriquent à Paris, Rouan St. Chamont, & St. Estienne en Forests, pour environ deux Millions.

IV. Plus un grand nombre de Serges, qui se fabriquent à Chalons, Chartres, Estainnes qui se font à Reims, quantité de Sarges qui se font à Amiens, Crevecœur, Blicourt & autres Villes de Picardie, que se peuvent monter à plus de deux Millions.

V. En chapeaux de Castor Vigogne, Poil & Laine, qui se font dans la Ville & Faubourg de Paris, autre plusieurs qui se font à Lyon, Rouen & autres lieux de Normandie pour

pour plus de quinze cents mille
livres.

VI. En Panaches Baudriers,
Ceinturons, Cordons, Even-
tails, Coiffes Masques miroirs
d'orrez & Esmaillez, grants
Boites de montres & Horlo-
ges & a mettre pourtraits,
Medailles, tables & Bracelets
& autres menues merceries,
pour plus de deux millions.

VII. Gants, qui se font à
Paris, Roüen, Vendome, Cler-
mont, & autres lieux pour
plus de Cinq Cents mil livres.

VIII. En fil de Sayette
de laine qui se file par toute la
Province de Picardie, il s'en
envoie esdits lieux, plus de
Cinq Cents mil livres.

IX. Papiers de toute sorte
que se font en Auvergne, Poi-
tou, Limosin, Champagne &
Normandie, pour plus de
deux millions.

X. Espingles Esguilles qui se
font

font a Paris & en Normandie
ensemble en pignes de bois
& autres plus de Cinq Cents
mil livres.

XI. En Quinquallerie,
qui se fait en Forests & Au-
vergne, pour plus de Cinq
Cents mil livres.

XII. Toilles, qui se font
en Bretagne, Anjou & Nor-
mandie tant pour voiles qu'
autres plus fines plus de Cinq
millions.

XIII. Emmeublements, qui
Consiste, en Lits, Matelas,
Convertures, Tours de Lits
de Diverses Estoffes de So-
yes, & autres garnis de Crespi-
nes, Franges & Molets de
Soye, plus d'un million.

XIV. Plus il s'enleve quan-
tité de Vins de Bordeaux, La
Rochelle, Nantes, Roüen &
Bayone, s'ils n'estoyent En-
voyés Seroyent la plus part
perdus & gastez cecy monte
a plus

a plus de huit millions.

XV. Eaux de vie pour la Hollande seul vient a Cinq mille pieces avec les vinaigres môtent a plus de trois millions.

XVI. En Safran, Pastel, Savon, Miel, Amandes, Olives, Capres, prunes & pruneaus pour plus de deux millions.

XVII. Cinq a six Cents Navires qui chargent du Sel Enbrouage, oleron, l' Ile de rets, la bay de bourgneut Poulegin & au Crofil, pour plus de quinze cents mil livres.

En tout 38. Millions, tous les Ans.

Reservé les bles, froment, seigle & orges qui ne se transportent, que dans les bonnes Années.

F I N.

Bayerische
Staatsbibliothek
MÜNCHEN

Wassenberg, Eberhard,

Aurifodina Gallica

S.l. 1673

Gall.g. 908

urn:nbn:de:bvb:12-bsb10419596-8

VD17 1:071222Y